



Bosnia and Herzegovina
AGENCY FOR STATISTICS OF
BOSNIA AND HERZEGOVINA

Broj: JN1-16-4-6-30/21
Sarajevo, 12.01.2022. godine

Na osnovu člana 64. člana 70. člana 88. i člana 89. Zakona o javnim nabavkama BiH ("Službeni glasnik BiH", broj 39/14) i Preporuke komisije za javne nabavke broj JN1-16-4-6-29/21 od 12.01.2021. godine, direktorica Agencije za statistiku BiH donosi:

ODLUKU

o izboru najpovoljnijeg ponuđača za nabavku usluge – servisiranje vozila u vangarantnom roku

Ugovorni organ - Agencija za statistiku BiH- prihvata Preporuku Komisije za javne nabavke broj JN1-16-4-6-29/21 od 12.01.2022. godine za izbor najpovoljnije ponude za nabavku usluge – **Servisiranje vozila u vangarantnom roku** (JRJN 50100000-6) za potrebe Agencije za statistiku BiH, koja se provodi u skladu sa članom 88. i članom 89. Zakona o javnim nabavkama, a po Odluci za nabavku predmetne usluge broj JN1-16-4-6-1/21 od 28.09.2021. godine, te je kao najpovoljniji ponuđač izabrana firma "TOTAL TRADE" d.o.o. Doboj sa ponudenom cijenom u iznosu od 5.900,10 KM sa PDV-om (5.041,00 KM bez PDV-a po završenoj e-Aukciji, zbog računskih operacija i sniženja cijena u cijeni ponude je došlo do odstupanja od 1,80 KM), ponuda broj: 352/21 od 13.10.2021. godine.

Obrazloženje

Nakon što je ugovorni organ 23.12.2021.godine zaprimio Rješenje Kancelarije za razmatranje žalbi broj JN2-01-07-1-3238-7/21 od 16.12.2021.godine, po kom se usvaja žalba ponuđača „Saradis“ d.o.o. Sarajevo izjavljena na Odluku o izboru najpovoljnijeg ponuđača broj JN1-16-4-6-12/21 od 09.11.2021.godine u postupku javne nabavke usluga – Servisiranje vozila u vangarantnom roku ugovornog organa i vraća predmet na ponovni postupak, direktorica Agencije za statistiku BiH donijela Odluku o nastavku postupka za nabavku usluge – Servisiranje vozila u vangarantnom roku broj JN1-16-4-6-22/21 od 28.12.2021.godine. Obavještenje o nastavku postupka je poslato svim učesnicima u postupku zajedno sa Odlukom o nastavku postupka broj JN1-16-4-6-22/21 od 28.12.2021.godine i Rješenjem Kancelarije za razmatranje žalbi broj JN2-01-07-1-3238-7/21 od 16.12.2021.godine.

Komisija za javne nabavke je pristupila ponovnom ispitivanju, ocjeni i poređenju pristiglih ponuda za nabavku usluge – Servisiranje vozila u vangarantnom roku (JRJN 50100000-6). Postupak se provodi u skladu sa članom 88. i članom 89. Zakona o javnim nabavkama, a po Odluci o pokretanju postupka za nabavku predmetne usluge broj JN1-16-4-6-1/21 od 28.09.2021. godine. Ocjena ponuda se provodi u skladu sa članom 65. Zakona o javnim nabavkama. Agencija je uputila poziv na četiri (4) adrese, i istovremeno objavila Obavještenje o nabavci na portalu Agencije za javne nabavke broj 11-7-2-22-3-8/21 od 05.10.2021. godine.

Komisija za javne nabavke je na sastanku ponovo utvrdila listu ponuda ponuđača koje

su prema pozivu za dostavljanje ponuda otvorene 15.10.2021. u 10:05 sati. Kako je i u Zapisniku o otvaranju ponuda konstatovano, pristigle ponude ispunjavaju tražene formalno-tehničke uslove. Komisija je sastavila listu primljenih ponuda koje su pristigle na protokol ugovornog organa do krajnjeg roka određenog za dostavljanje ponuda.

1. 65-01-0026-13 „TRIAB“ d.o.o. Sarajevo sa ponuđenom cijenom u iznosu od 9.049,95 KM sa PDV-om.
2. 1-8067 „GUMA M“ d.o.o. Mostar sa ponuđenom cijenom u iznosu od 10.413,00 KM sa PDV-om.
3. 85-01-0424-09 „TOTAL TRADE“ d.o.o. Doboj sa ponuđenom cijenom u iznosu od 13.798,51 KM sa PDV-om.
4. 65-01-0692-08 „SARADIS“ d.o.o. Vogošća sa ponuđenom cijenom u iznosu od 327,60 KM sa PDV-om.

Komisija je konstatovala ispravnost ponude za predmetnu nabavku u smislu ispunjenja formalno tehničkih uslova (koverta ispravno zatvorena i opečaćena, sve ponude pravilno uvezane čvrstim uvezom). Komisija je pristupila ponovnom ispitivanju, ocjeni i poređenje pristiglih ponuda te je konstatovala slijedeće:

- Ponuđač „Triab“ d.o.o. Sarajevo u svojoj ponudi broj: 101/21 od 11.10.2021. godine nije dostavio Uvjerenje o registraciji obveznika poreza na dodanu vrijednost i dodijeljeni identifikacijski broj, Uvjerenje o poreznoj registraciji i ID broju, a što je traženo u TD za predmetnu nabavku pod tačkom 2.) stav I, b). Takođe u sklopu ponude navedeni ponuđač nije dostavio minimalnu lager listu sa cijenama rezervnih dijelova, a što je traženo u TD pod tačkom 4.
- Ponuda ponuđača „Saradis“ d.o.o. Vogošća je na osnovu Rješenja Kancelarije za razmatranje žalbi broj JN2-01-07-1-3238-7/21, ocjenjena kao potpuna i prihvatljiva, ispunjava tražene uslove iz Tenderske dokumentacije. Uvidom u cijene ponude Komisija je ocijenila i konstatovala da su cijene ponude koje je dostavio ponuđač „Saradis“ d.o.o. Vogošća neprirodno niske u odnosu na ostale pristigle prihvatljive ponude i cijene na tržištu.

Na osnovu prethodno navedenog Komisija je donijela zaključak da se ponuda ponuđača „Triab“ d.o.o. Sarajevo odbaci kao nepotpuna u skladu sa članom 68., stav (4), tačka i) ZJN BiH („Sl. glasnik BiH“, broj 39/14).

Ponude ponuđača „Total Trade“ d.o.o. Doboj, „Guma M“ d.o.o. Mostar i „Saradis“ d.o.o. Vogošća su nakon analize i pregleda od strane komisije prihvatljive i ispunjavaju tražene uslove iz Tenderske dokumentacije.

Ponuđaču „Saradis“ d.o.o. Vogošća je na osnovu člana 66. Zakona o javnim nabavkama i člana 17. stav (7) Uputstva za pripremu modela tenderske dokumentacije i ponuda, upućen pismeni zahtjev da obrazloži ponuđenu neprirodno nisku cijenu iz ponude broj 1410/21 od 14.10.2021. godine.

Komisija je 12.01.2022. u 10:00 sati nastavila svoj rad nakon što je od ponuđača „Saradis“ d.o.o. dobila Objašnjenje neprirodno niske cijene broj 11-1A/22 od 06.01.2022. godine, dostavljeno u traženom roku i pristupila detaljnoj analizi istog. Nakon ocjene i analize Obrazloženja broj 11-1A/22 od 06.01.2022. godine koje je ponuđač dostavio, Komisija imenovana za nabavku usluge – Servisiranje vozila u vangarantnom roku je donijela odluku da je isto neprihvatljivo za ugovorni organ. Navode ponuđača kojima obrazlaže neprirodno nisku cijenu, time što posjeduje: vlastiti servisni centar, vlastitu opremu, propise vezane za zaštitu uposlenika na radu i radnih uslova, originalnost usluge, te trenutnu ekonomsku situaciju i dugogodišnji obim poslovanja, ugovorni organ ne može prihvatiti kao osnovane i valjane, jer isti imaju opšti karakter i zajednički su velikoj većini servisnih centara

koji posluju na tržištu BiH, a neki poput zaštite zaposlenika na radu i osiguranja radnih uslova su obavezujući što je regulisano posebnom regulativom.

Zatim, neki od navoda, kao na primjer :

„na osnovu dugogodišnjeg ogromnog obima poslovanja posjedujemo respektabilan odnos sa dobavljačima, proizvođačima i distributerima proizvoda iz asortimana rezervnih dijelova koji su predmet ponude, te na osnovu privilegovanog i ekskluzivnog statusa možemo ponuditi cijene niže od ostalih ponuđača“

se odnosi na auto dijelove koji trenutno nisu upitni u ovom slučaju, upitna je cijena usluge koju je ponuđač ponudio, kako jedinična cijena tako i ukupna vrijednost ponude.

Na osnovu navedenog Komisija je zaključila da je dostavljeno pojašnjenje neprihvatljivo i ne objašnjava ponuđenu neprirodno nisku cijenu i izvršila je ponovno i konačno rangiranje ponuda:

Nakon provedene analize ponuda u skladu sa članom 65. ZJN BiH, članom 66. ZJN BiH, postavljenim kriterijima u tenderskoj dokumentaciji i nakon provedene e-Aukcije prije uložene žalbe ponuđača „Saradis“ d.o.o. Vogošća, kao najpovoljniji ponuđač sa kojim ugovorni organ namjerava zaključiti ugovor o predmetnoj nabavci je „TOTAL TRADE“ d.o.o. Doboj, a na osnovu ponude broj: 352/21 od 13.10.2021. godine sa ponuđenom početnom cijenom u iznosu od 13.798,51 KM sa PDV-om za traženu uslugu koja je nakon provedene e-Aukcije smanjena za 57,26% te u konačnici iznosi 5.900,10 KM sa PDV-om (5.041,00 KM bez PDV-a). Komisija konstatuje da je zbog računskih operacija usljed snižavanja cijene, po završenoj e-aukciji, u cijeni ponude došlo do odstupanja od 1,80 KM.

Na osnovu člana 64, člana 65. člana 70. ZJN, Komisija imenovana za nabavku usluge – Servisiranje vozila u vangarantnom roku, odlučila je da da preporuku direktorici Agencije za statistiku BiH za izbor najpovoljnijeg ponuđača „TOTAL TRADE“ d.o.o. Doboj, jer je ponudio najnižu cijenu za predmetnu nabavku nakon provedene e-Aukcije u iznosu: 5.900,10 KM sa PDV-om.


Ugovorni organ će sa izabranim ponuđačem (po pravosnažnosti ove Odluke) zaključiti Ugovor u kojem će se precizirati uslovi i vrijeme realizacije ponude izabranog ponuđača.

Komisija takođe konstatuje da prije potpisivanja predmetnog ugovora izabrani ponuđač nije dužan dostaviti traženu dokumentaciju iz tenderske dokumentacije u skladu sa članom 45. ZJN BiH, jer je istu dostavio nakon donošenja Odluke o izboru najpovoljnijeg ponuđača broj JN1-16-4-6-12/21 od 09.11.2021.godine..

Ova odluka objaviće se na web stranici Agencije za statistiku BiH u skladu sa članom 70. ZJN BiH.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. ZJN BiH.

Pouka o pravnom lijeku: Protiv ove Odluke o izboru najpovoljnijeg ponuđača može se izjaviti žalba u skladu sa članom 99. i 101. ZJN. Žalba se podnosi ugovornom organu na adresu: Agencija za statistiku BiH, ul. Zelenih beretki 26, 71 000 Sarajevo.



Dostaviti: - Ponuđačima

- a/a

Prilog: - Zapisnik o pregledu i ocjeni ponuda